



67. ՀԱԹԵՐՔԻՆ ՀԻԼԻՆ

Ղարաբաղի Հաթերք շենումը հիլի տեսած չըն ինձում: Մին օր էտ շենն ա կյամ մին դըլըցի: էտ Շուշի-Ղալա շըհարան եկածը էքյսը քըշերավը իրեսը լվանալիս, մաղերը սանդրելիս, ջուրան մին հիլի յա տուս օնում, մեշին եշում: Ետավ հունց ա ինձում, էտ օրը ուրան կործերը էտ շենումը պըռծնելանը ետը, էտ հըեռու շենին կործերը քննելանը ետը, էտ շուշի-դըլըցի մարթը քըշերը կենում ա, վեր էքյսը ետ տըեռնա, կյա Շուշի-Ղալան:

էտ քըշեր լո՛ւվին ծըեռքան տըեղումը էնքան շըռտըշոռտի յա անում, էնքան պըրըն-պարան ա անում, յորդան-դոշակ ծըռըցընում, տափին եր քըցո՛ւմ, մին էլ ճոնդան ծիքյ տամ, էլհա քըցո՛ւմ յրան, վեր կաստո՛ւմեն պենջակը, վեր էն ար կոխկի տաբըրետկին տիրած, եր ա ընգնո՛ւմ, ծոցին հիլին էլ ընգնո՛ւմ թախտին տակը:

էտ մարթը էքյսը եր ա կենում, շորերը կյենում, պինջակը յոր օնըմ, թափ տամ, կյենում, ետ տըեռնում կյամ Շուշի-Ղալան, էն մին քըշերը համին էտ թախտին տնատարն ա քոն ինձում: Ուռութանա, վեր արևը տամ ա էտ թախտին քըշտի ակուշկավը, էտ տնատարն էլ օղում ա թա՛ եր կըենա, ըտրա աշկըն ա ընգնում թախտին տակին մին պըծըպածին ընելիս պեն: Յոր ա օնըմ եշում, տեստեն շոռ տամ, ծընգըր-թիթև անում, ընգուճին տընում, էլհա մին լա՛վ եշում-տեսնում ուրան հորը պատկերըն ա...

Տու մի ասիլ, հիլի տըեսած չի, էտ վեր ուրան տեսնում ա,

ինքյըն էլ շատ նման ա ինում ուրան հորը, գլուղում ա թա հորը պատկերն ա:

Յոր ա օնում պաշում, պըչպըչորում, թա.—Ա՛հ հար, բա խե՛ մընուեր, բա քընդ հո՛ւ ասից մընուեր, էշիտ հո՛ւ չու ասից, հո՛ւ ասից տեղտ ծոխ ա, եր էն զոլին նստե, վեր տու մընուեր:

Իտի մին խրեգլ դըրդըհան ա ինում, ետնան էտ հիլին տինում դոշակին տակեն, կյեղում: Իտի ամման ուռութանա հանում ա, պըչպըչորում էլհա կյեղում:

Մին օր էլ կընեգլը դուլմիշ ա ինում, ասում ա. — էտ հի՛նչ ա, մին ինձ տո տեսնամ, վեր իտի պըչպըչորում ըս: Մարթը տամ չի, էլհա կյեղում ա:

Վեր մարթը քյինում ա հանդը, էտ կնեգլը դոշակին տակը պըտըռում ա, հիլին հանում, յեշում, տընսնում մին կընգա պատկեր ա, չունքի ուրան պատկերը հիլումը տըսնալավ, գլուղում ա, թա մին օրիշ կընգա պատկեր ա:

Ասում ա. — Հալթաթ տոն կըկյաս, ա մարթ, յըես քու դիվանըտ կանիմ, մհենգլ էլ սիրական ըս պահում:

էտ կնեգլը սաղ օրը տեղը-տեղ չի տամ, թա նստե:

Ուրուգլունը մարթը նղացած հանդան կյամ ա, կնեգլը յրա յա տամ, կըռեվ քցում, թա.— Մըգամ տու սիրական օնի՛ս...

Մարթը ուրթումն ա օտում, չըքըչոք անում, ասում.—Յըես խաբար չըմ իտի պենի, յըես սիրական չօնիմ...

Կնեգլը թա.— Չէ, վեր չէ սիրական օնիս հալի խոսում էլ ըս՛, օղում ըս հըստադիմ:

էտ կնեգլը քյնում ա թախտին դոշակին տական հիլին հանում, մարթին ըռաշկեն տինում:

Մարթն ասում ա. —

— Տնաքանդի կնե՛գլ, էս հու իմ հոր պատկերն ա, բեղավեր, մըքավեր: Պա քու ըստինտ-ընդինտ, պա նհախ տեղան տոնը խե՛ կըռեվ ըս քցում:

Կընեգլը թա. — Չէ՛, վեր չէ՛, տա կընգա պատկեր ա, դե վեր էտքան ասում ըս, ինձ տո մին էլ եշիմ:

Վեր մին էլ ա եշում, լափ հավան կլխին ա տամ, ըսկսում ա ճըղճըղալը, բըղբըղալը թա. — Քու սիրականտ պատկերն ա:

Սկսվում ա տուրութակը:

Վերը քյնում ըն շենին տերտերին կոշտը, կանչում տոն, վեր կյա կործը քենե, տեսնա հո՛ւ վա դո՛ղը, հո՛ւ վա սոտը:

Տերտերը լռիս ըսկանում ա, ասում. — Ա՛ վերթի՛, էտ զատը
ինձ տո տեսնամ հուր պատկեր ա:

Հիլին յոր օնըմ, եշում, տեսնում մին մըրքավեր տերտերի
պատկեր:

Նմնցընում ա Շուշի-Ղալին առաջնորթարանումը նստած
վարթարեդեն, ասում. — Ա՛ վերթիք, քընեցեք ծրեր տանը
դինչ կացեք, սա հու մըեր վարթարեդին պատկերն ա:

Ըտեզ էտ տերտերը իրեսին խըշըկընքում ա, էտ պատկերան
պաշում, տանում ժամումը տինում, ամման ուռութանա ժամ ասե-
լիս եշում, իրեսին խըշըկընքում, դերացուն էլ առաչին խունդ ա
ծըխում...

